

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Budžeta Kantona Sarajevo za 2023. godinu ("Službene novine Kantona Sarajevo", broj 15/23), člana 23. Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23) Vlada Kantona Sarajevo, na 10. sjednici održanoj 25.05.2023. godine, donijela je

**ODLUKU****O USVAJANJU PROGRAMA UTROŠKA SREDSTAVA S  
KRITERIJIMA RASPODJELE TEKUĆIH TRANSFERA  
UTVRĐENIH BUDŽETOM KANTONA SARAJEVO  
MINISTARSTVA PRAVDE I UPRAVE ZA 2023.  
GODINU****I**

- (1) Usvaja se Program utroška sredstava za:
- "Tekući transferi drugim nivoima vlasti i fondovima" - ekonomski kod 614100, subanalitika CAL007, funkcija 036F;
  - "Subvencije javnim preduzećima - JP Televizija Kantona Sarajevo" - ekonomski kod 614400, subanalitika CAO002, funkcija 083F;
  - "Drugi tekući rashodi" - ekonomski kod 614800, subanalitika CAS004, funkcija 036F,
- utvrđenih Budžetom Kantona Sarajevo za 2023. godinu, razdjel 12010001 - Ministarstvo pravde i uprave Kantona Sarajevo ("Službene novine Kantona Sarajevo", broj 15/23).
- (2) Program utroška sredstava iz stava (1) ove tačke čini sastavni dio ove odluke.

**II**

Sredstva utvrđena u Programu iz tačke I ove odluke raspoređena su prema kriterijima za raspodjelu sredstava po tekućim transferima utvrđenim za svaki program posebno.

**(1) PROGRAM UTROŠKA SREDSTAVA TEKUĆIH  
TRANSFERA UTVRĐENIH BUDŽETOM KANTONA  
SARAJEVO ZA 2023. GODINU MINISTARSTVA  
PRAVDE I UPRAVE**

Ovim Programom vrši se raspodjela sredstava unutar zbirnih pozicija tekućih transfera utvrđenih Budžetom Kantona Sarajevo za 2023. godinu na razdjelu 12010001 - Ministarstvo pravde i uprave Kantona Sarajevo za programe kako slijedi:

a) "Tekući transferi drugim nivoima vlasti i fondovima"  
(ekonomski kod 614100, subanalitika CAL007, funkcija 036F)

Red. br.	Naziv programa	Svrha programa	Korisnici sredstava	Kriteriji za raspodjelu sredstava	Izvor 10 - (budžetska sredstva) u KM
1.	Transfer Agenciji za državnu službu FBiH	Provođenje procedura zapošljavanja državnih službenika, organizacija i realizacija obuke državnih službenika, organizacija edukacije kandidata za polaganje ispita koji predstavlja uslov za rad u organima državne službe Kantona, Grada i općina, Agencija za državnu službu Federacije Bosne i Hercegovine	Agenciji za državnu službu FBiH	Član 67. stav (1) i član 68. stav (1) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19)	30.000,00
2.	Transfer Odboru za žalbe	U drugom stepenu odlučuje se o svim žalbama koje se izjave na rješenja rukovodioca organa državne službe, Gradonačelnika, odnosno načelnika i o žalbama koje se izjave na odluke Disciplinske komisije, u skladu sa zakonom, podzakonskim propisima, općim aktima i kolektivnim ugovorom	Odbor za žalbe	Član 69. stav (1) Zakona o državnoj službi u Kantonu Sarajevo ("Službene novine Kantona Sarajevo", br. 31/16 i 45/19)	30.000,00
UKUPNO:					60.000,00

## b) "Subvencije javnim preduzećima - JP Televizija Kantona Sarajevo" (ekonomski kod 614400, subanalitika CAO002, funkcija 083F)

Red. br.	Naziv programa	Svrha programa	Korisnici sredstava	Kriteriji za raspodjelu sredstava	Izvor 10 - (budžetska sredstva) u KM
1.	Subvencije javnim preduzećima	- plaće i naknade zaposlenih; - zakupnine i najamnine; - RAK; - naknade zakonskih organa i tijela preduzeća - tekući troškovi poslovanja (održavanje TV opreme, rezervni dijelovi i sitni inventar, komunalne usluge i sl.)	JP "Televizija Kantona Sarajevo" d.o.o. Sarajevo	Odluka o osnivanju JP "Televizija Kantona Sarajevo" d.o.o. Sarajevo ("Službene novine Kantona Sarajevo", broj 1/22)	4.080.000,00
2.	Nabavka programa za JP "Televizija Kantona Sarajevo"	Nabavka gotovog programa	JP "Televizija Kantona Sarajevo" d.o.o. Sarajevo	Odluka o osnivanju JP "Televizija Kantona Sarajevo" d.o.o. Sarajevo ("Službene novine Kantona Sarajevo", broj 1/22)	220.000,00
UKUPNO:					4.300.000,00

## c) "Drugi tekući rashodi" (ekonomski kod 614800, subanalitika CAS004, funkcija 036F)

Red. br.	Naziv programa	Svrha programa	Korisnici sredstava	Kriteriji za raspodjelu sredstava	Izvor 10 - (budžetska sredstva) u KM
1.	Drugi tekući rashodi - DPO	Izvršenje zakonskih obaveza prema odlukama nadležnih sudova	Apelanti (fizička i pravna lica)	Odluke Ustavnog suda BiH i Evropskog suda za ljudska prava	409.985,00
2.	Prenos javnih ovlaštenja Udruženja gluhih KS	Finansiranje rada Udruženja gluhih KS na osnovu prenesenih javnih ovlaštenja	Udruženje gluhih Kantona Sarajevo	Član 10. i član 11. Zakona o upotrebi znakovnog jezika u Kantonu Sarajevo ("Službene novine Kantona Sarajevo", br. 11/11 i 15/11)	15.000,00
3.	Drugi tekući rashodi - sudske presude po tužbama uposlenika KS	Izvršavanje sudskih presuda po tužbama uposlenika Ministarstva pravde i uprave Kantona Sarajevo	Uposlenici Ministarstva pravde i uprave Kantona Sarajevo	Sudske odluke za izvršenje ili vansudske pogodbe	100,00
UKUPNO:					425.085,00

## III

Sa korisnicima sredstava, izuzev apclanata iz odluka Ustavnog suda BiH i Evropskog suda za ljudska prava, ministrica pravde i uprave Kantona Sarajevo će potpisati posebne sporazume o realizaciji dodijeljenih sredstava, kojim će se regulisati način i rokovi utroška sredstava i izvještavanje.

Korisnik sredstava obavezan je dodijeljena sredstva utrošiti namjenski, te dostaviti dokaze o namjenskom utrošku sredstava.

## IV

Ministarstvo pravde i uprave Kantona Sarajevo će pratiti namjenski utrošak sredstava iz tačke I ove odluke. Ukoliko se utvrdi da je korisnik nenamjenski utrošio sredstva, isti je dužan izvršiti povrat sredstava na Jedinstveni račun trezora.

## V

Ministarstvo pravde i uprave Kantona Sarajevo podnosiće izvještaj o utrošenim sredstvima Ministarstvu finansija Kantona Sarajevo, u skladu sa Zakonom o izvršavanju Budžeta Kantona Sarajevo za 2023. godinu.

## VI

Za realizaciju ove odluke zadužuju se Ministarstvo pravde i uprave Kantona Sarajevo i Ministarstvo finansija Kantona Sarajevo, svako u okviru svojih nadležnosti.

## VII

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23639-5/23

25. maja 2023. godine  
Sarajevo

Po ovlaštenju premijera

Ministar  
Emir Dedović, s. r.